

جریدہ علمیہ

مشیت جلیلہ اسلامیہ نکتہ جریدہ' رسیہ سید

ربیع الآخر ۱۳۳۵

عدو: ۳۰

آیدہ بر نشر اول نور

اوپنچی سنہ

قواخانه عالی مقررات قضیه سی

صندوق قضایی محکمه شرعیه سندن ویریلان ۱۱ ش ۳۱۳ تاریخلی اعلام بروجہ آتی منقوضدر
اعلام مذکورده متداعیات مزبور تانک خصوصتلی رأی اولندیغنه تعرض اولنما مقلمه
برابر حادثهده وقف مذکورک اول امرده شروطی علی الاصول تعیین اولنہرق اجرای
شروطہ اہتمام اولنق وشروطک تعینی قابل اولہ مز ایسہ ایجاب شرعیسنہ توفیقاً معاملہ
ایدلک مقتضی ووجہ محرر اوزرہ توقیع قلنان حکمک مستندالہی غیر ظاہر اولدیغندن
سبکی مختلدر .

★
★ ★

موسل ولایتی مرکز محکمه شرعیہ سندن ویریلان ۲۱ ر ۳۳۲ تاریخلی اعلام بروجہ آتی منقوضدر
اعلام مذکورده مدعیتان مزبور تانک وکیلی مدعا بہ مذکور متوفای اول مزبورک
اللی ایکی سنہ مقدم شراء ملکلی اولدیغنی اخیراً ادعا تیش اولدیغنی جہتلہ حادثہده شاهد اول
مزبور سلیمانک اللی بش سنہ مقدم وقوع شرا حقندہ کی شہادتکی اکثرہ شہادت قیلندن
اولدیغنی حالده قبول ایدلسنک مستندالہی و بروجہ محرر توقیع قلنان حکمہ مداراتخاذینک
وجہی غیر ظاہر بولنیش اولدیغندن سبکی نقصان وخلدن غیر خالیدر .

★
★ ★

کایبول سنجاغی محکمه شرعیہ سندن ویریلان ۲۳ ش ۳۳۲ تاریخلی اعلام بروجہ آتی منقوضدر
مہری مطابق ایسہده خلاف جنس اوزرینہ واقع اولان صلحک محنتدہ مجلس
مصالحدہ قبض بدل مشروط اولدیغنی حالده صغیرہ مزبورہ نک بدلن تأجیل حصہ سی
صحت صلحی محل اولدیغنی اولجہ استحصال ایدلش اولان اعلامات وجہ محرر اوزرہ منقوض
واعادہ محاکمہ دردست اولسنہ نظراً حادثہده مدعی مرقومک اساس دعواسنہ ینہ سی
اولدیغنه و صغیرہ حقندہ انقیصت صلحک وجہ تحقیق نہ ایدوکنہ تعرض ایدلماش اولدیغندن
وحسابدہ سہو بولندیغندن سبکی نقصان وخلدن خالی دکلدر .

★
★ ★

آطنا ولايتى مركزى محكمه شرعيه سندن اعطا اولنان ۲۵ شوال ۳۳۳ تاريخلى اعلام بروجہ آتى منقوضدر

اعلام مذکورده تاريخ شرايه ومدعى عليهك منكر ومدعا به مذکورده واضع ايد اولسنه نظراً حادثه بروجہ محرر تصرف دعواسنك دخى موقع ثبوتہ ايصالى ايجاب ايدر ايكن بو جهته التفات اولناديني كى متوفاه مزبورده فدان خاتونك ورثه سائره سى كىملودن عبارت بولنديني تعين ايديلهرك اولبابده كى شرا دعواسى دخى تصحيح واثبات ايدلامش وبروجہ محرر ثمن مذكورك ردياه حكم توقيع ايدلسنك وجهى غير ظاهر بولنش اولديغندن سبكي مختلدر .

★
★ ★

قيرشهرى سنجاغى محكمه شرعيه سندن ويريلان ۲۳ ربيع الاخر ۳۳۴ تاريخلى اعلام بروجہ آتى منقوضدر

اعلام مذکورده مدعى مزبورك اقامه ايلديكى دعوى غير مصحح واستاد ايلديكى برات طالى مذکور مفادى دخى صرف جبايى ناطق اولدينى كى حادثه مدعا به تعاملك مدارى مفقود بولنش اولمقله سبكي نقصان وخللادن خالى دكلدر .

★
★ ★

كوتاهيه سنجاغى محكمه شرعيه سندن اعطا اولنان ۱۳ جمادى الاخره ۱۳۰۵ تاريخلى اعلام بروجہ آتى منقوضدر:

اعلام مذکورده مدعى عليه مزبورك يدنده موجود اولدينى قسماً اقرار و قسماً نكوليله تحقق ايدن مدعا بهاي مذكوردهك اعيانندن وخبطه وشعير مكيلاندن اولدينى جهته كيل اعتباريله اجزاسندن حصه اعطاسنه حكم توقيعى اقتضا ايدر ايكن ذخائر مذكوردهك بروجہ محرر وزنه تحويللك وجهى وقية اعتباريله حصه اعطاسنك استقامتى غير ظاهر واشيا وحيوانات موجوده مذكوردهك قيمتلرندن منوال محرر اوزره توقيع قلنان حكم مخالف اصول بولنش اولديغندن شايان قبول دكلدر .

★
★ ★

البدستان قضاسی محکمه شرعیه - نندن اعطا اولنان ۶ شعبان ۳۳۴ تاریخلی اعلام بروجہ آتی منقوضدر :

اعلام مذکورده مدعی علیهما وکیلی مزبورک وکالتی خصوص مذکورده شامل اولدیغنه و اشیاى مذکورده نك تحت حکمه آلتان قیمتلى حقنده مدار تحقق نه ایدوکنه و مذکور غازی آلتونلرینک مثللى منقطع بولدیغنه تعرض ایدلدیکی و اخیراً استماع ایدلش اولان شاهدان مزبورانک شهادتلى حادثه ده مدار شرعی اتخاذینه غیر صالح بولدیغی کی شاهد اول مزبور يوسفک تزکیه سنده حسین دینلمسی بیولی و منسوب اولدیغی قریه اهالیسندن تزکیه سنک اجرا اولنما سنک مستندی غیرمین و محتویاتی مشوش بولنش اولمقله شایان قبول دکلدر .

★
★ ★

غزه قضاسی محکمه شرعیه سندن اعطا اولنان ۱۴ شعبان سنه ۳۳۴ تاریخلی اعلام بروجہ آتی منقوضدر

اعلام مذکورده مبلغ مدعا به مذکورک مبیع مقبوض ثمنی اولدیغنه تعرض اولنما مقله برابر مدعی مزبورده عائد دفترک صحت وقوع اقرار حقنده وجه محرر اوزره اماره اتخاذ اولنسی ایضاحه محتاج و شکل یمین نقصان بولنش اولمقله متناسبکی نقصان و خللدن غیر خالی و ظهرنده کی تحشیه ده علی الاصول تشکیل طرفین ایدبله رک اعتراضاتک ندن عبارت اولدیغی و اولبابده محاکمه اجرا سیله رد ایدلدیکی غیر مین بولندیقندن تنفیذ واقع دخی حکمدن ساقطدر

★
★ ★

قره سی سنجاغی مرکزی اولان بالیکسر محکمه شرعیه سندن اعطا اولنان ۲۳ شعبان ۳۳۴ و ۱۱ دا ۳۳۴ تاریخلی اعلام بروجہ آتی منقوضدر :

اعلام مذکورده کی شکل یمین ناقص اولمقله برابر اشیا و حلیات و اوانی مذکورده نك بروجہ تسمیه تحت حکمه آلتسی ایجاب ایدر ایکن معجلات مذکورده نك قیمتلى به توقیم قلتان حکمک وجهی غیر ظاهر اولدیقندن متناً نقصان و خللدن خالی و ظهریه دخی تشویش و اعوجاجدن سالم دکلدر .

★
★ ★

طرابلس شام سنجائی محکمه شرعیہ سندن اعطا اولنان ۲۶ شعبان ۳۳۴ تاریخلی اعلام
بروجہ آتی منقوضدر

اعلام مذکورده مدعی علیها وکیلی مزبورک وکالتی مسجله ویامثبتہ ایدوکنہ تعرض
اولنماقلہ برابر حادثہده وکیل مزبورک اقرارینہ بناءً انجیق موکلهسی مزبورہ نک مدعاہ
دیندہ حصہسیلہ الزام اولنسی ایجاب ایدرایکن دفترده کی خطک متوفانک خطدستی اولدینی
بینہ معدلہ ایله موقع ثبوتہ ایصال ایدلمکسزین ورثہ سائرہ یہ تشمیلا منوال محرر اوزرہ
حکم توقیعنک وجہی غیر ظاہر بولنش اولدیندن سبکی مختلدر .

★
★ ★

طرابلس شام سنجائی محکمه شرعیہ سندن اعطا اولنان ۱۰ رمضان ۳۳۴ تاریخلی اعلام
بروجہ آتی منقوضدر :

اعلام مذکورده مسلم علیہہ اولہرق حوالہ مذکورہ حقندہ استماع اولنان شہادتک
مدار اتخادی غیر موجه اولقلہ برابر حادثہده مدعی علیها وکیلی مزبورک اقرارینہ بناءً
موکلهسی مزبورہ نک مدعاہا دیندن حصہسیلہ الزامی ایجاب ایدر ایکن دفترده کی خطک
متوفای مرقومک خطدستی اولدینی بینہ معدلہ ایله موقع ثبوتہ ایصال ایدلمکسزین منوال
محرر اوزرہ ورثہ سائرہ یہ تشمیلاً توقیع قلنان حکمک مداری مفقود بولنش اولدیندن
سبکی مختلدر .

★
★ ★

سوریہ ولایتی مرکز محکمه شرعیہ سندن اعطا اولنان ۱۹ رمضان ۳۳۴ تاریخلی اعلام
بروجہ آتی منقوضدر :

اعلام مذکورده متوفای مزبورک اقراری سندہ مربوط اولسنہ نظراً مبرز سندک
تاریخنندن اعتباراً لؤلؤ ثمنی اولان مبلغ مذکورده مرور زمان غیر متحقق بولندینی حالده
اولبابده توقیع قلنان منعک وجہی غیر ظاہر اولقلہ برابر مدعی علیها وکیلی مزبورک
کاذباً اقرار ادعاسی نظر دقتہ آلهرق حادثہده متوفای مزبورک اقرارندہ کاذب اولمدیقنہ

دخی مدعی مزبورہ نك بالطلب تحلیفی ایجاب ایدر ایکن بو جہتہ دہ مراعات ایدلماش
وحساب واقع جزئی سہولی بولنش اولدیفندن سبکی نقصان و خللدن غیر خالی در .

★
★ ★

بغداد ولایتی مرکز محکمہ شرعیہ سندن اعطا قلنان ۶ شوال ۳۳۴ تاریخلی اعلام
بروجہ آتی منقوضدر:

اعلام مذکورہ تولیت مبحوث عنہانک محکی اعلام شرعی موجبہ مدعی مزبورک
عہدہ سنہ و قتیلہ موحہ بولندی و حادثہ دہ فی الحال محلول و دردست توجیہ و معاملہ برتولیت
بولندی سیاق اشعاردن مستفاد بولنشیکن مذکور تولیتک جہت محلولہ دن عدیله مستند
شرعی کوسترلمکسزین مدعی مرقومک منع معارضہ سنہ حکم توقیع اولنسنک وجہی
غیر ظاہر اولدیفندن شایان قبول دکلددر .

★
★ ★

طرابلس شام سنجاقی محکمہ سندن ۹ شوال ۳۳۴ تاریخلی صادر اولان اعلام بروجہ آتی منقوضدر:

حجت مذکورہ مدعی مزبورہ نك اعساری و مرتبہ مذکورہ ایله مدعی علیہما
مزبورانک یسارلری وعم مزبورک اعطای فقہدہ اخ مزبورہ تشریکنک وجہی غیرظاہر
اولدیفندن قبولہ شایان دکلددر .

★
★ ★

تیرہ قضای محکمہ شرعیہ سندن اعطا اولنان ۱۱ شوال ۳۳۴ تاریخلی اعلام
بروجہ آتی منقوضدر:

اعلام مذکورہ مدعینک پدری اسمیلہ اصحاب جدوددن بمضیلرینک اسملرندہ دعوی
ایله شہادت ییتندہ مطابقت مفقود و وراثت حقندہ کی شہادت بو مرتبہ ایله مدار اتخاذا
غیر صالح و اثباتدن اظہار عجز اولنان اشیا حقندہ کی شکل یمین غیر مستقیم اولدینی کی
فقہہ تحلیفہ دہ دوت تجرہ ایله دوت تبسی مہمل براغلمش و مذکور اینکھارک قیمتارندن

حصه ارثیه اعطاسیله حکم توقیعی مخالف اصول ومدعی علیهای مزبورده نك نصف خانه نك
شراسنه متدائر تصدی ایلدیکی مدافعه سنه التفات اولنماسنك وجهی غیر ظاهر بولنش
ویمش بجه سی حقنده محاکمه ایدلماش و ترلانك تقسیمی حقنده کی دعوی مذکوره
بیلا اعتراض رد ایدلش اولدیغندن سبکی مختلدر .

★
★ ★

اونیه قضای محکمه شرعیه سندن اعطا اولنان ۲۲ شوال ۳۳۴ تاریخلی اعلام
بروجه آتی منقوضدر :

اعلام مذکوره موکلان مزبورانك شرکت عقدایله مشارك اولدقلى افاده ایدلمسنة
نظراً مدعابه مبلغ مذکور حقنده مزبوراندن هر ایکیسنك استظهاراً تحلیفلى مقتضى
واحدهانك تحلیفیه بالا کتفا نصف مدعابهك تحت حکمه آلمسنك مستندالهی غیر ظاهر
اولمقله برابر متوفای مزبورك دفترده مقید اولمیان مذکور اوچ قطعه بونو حقنده یالکز
موضوع مهرلرک متوفانك مهر ذاتیسی اولدیغنه متدائر اولان شهادات مذکوره نك قبول
ومدار اتخاذاى دخی غیر موجه وحسابلر بعض مرتبه سهولی بولنش اولمقله سبکی مختلدر .

★
★ ★

آلاشهر قضای محکمه شرعیه سندن اعطا اولنان ۲۳ دا ۳۳۴ تاریخلی اعلام بروجه آتی
منقوضدر :

اعلام مذکوره معترض علیهای مزبورده نك ذاتی برنهی شرعی معرفه ووکیلی مزبورك
وکالتی مسجله ویا مثبتة ونه خصوصه اولدیغنه تعرض اولنماقوله برابر اخیراً استماع اولنان
مخبرون مزبورونك بیان ایلدکلى حدود طرف دعواده کی حدوده غیر موافق وطرف
حکمدہ علم یقینك حصولی یالکز اخباراته اسناد اولنمبوب اخبارات ایله تحقیقات خارجیه نك
مجموعه اسناد ایدلش اولمقله اخبارات واقعه یه تواتر دینلمسنك وجهی دخی غیر ظاهر اولدیغندن
سبکی مختلدر .

★
★ ★

بالیکسر سنجائی محکمہ شرعیہ سندن اعطا اولنان ۲۸ دا ۳۳۴ تاریخی اعلام بروجہ آتی منقوضدر:

اعلام مذکورده طرف شہادتہ کی شیخ لطف اللہ قبرستانی چشمہ سنک مدعی علیہ مرقومک افادہ و بیان ایلدیک سرای چشمہ سندن بشقہ بر چشمہ اولدینی و آلمہ و اوستہ تعیرینک تجہیز و تکفیندہ متعارف اولمادینی و شہود مرقومونک شہادت مضبوطہ لریلہ متوقای مزبور غیریدن وجہ شرعی اوزرہ تمیز ایدہ مدیکی کوسترلمدیکندن مدعی علیہ مرقومک اقامہ ایلدیک شہود مزبورونک تجہیز و تکفین و چشمہ یہ متدائر و صایا حقندہ شہادتترینک برمنوال محرر شایان التفات تلقی ایدلامسنک وجہی غیر ظاہر اولدینی کی مدعیہ مزبورہ مبلغ مقربہدن حصہ سنی اخیراً طلب ایلدیک حالہ زیادہ حقندہ بینہ طلب واستماعنک واقامہ ایلدیک شہادلر زیادہ مذکورہ نک مدعی علیہ مرقوم تزدندہ قالدینی افادہ ایتمدکری جہتلہ شہادت مذکورہ نک توقیع قلنان حکمہ مدار اتخاذا اولنسنک استقامتی غیر منہم بولنش اولقلہ سبکی مختلدر .



لادیق قضاسی محکمہ شرعیہ سندن اعطا اولنان ۱۳ ذی الحجہ ۳۳۴ تاریخی اعلام بروجہ آتی منقوضدر :

اعلام مذکورده مدعی علیہا مزبورہ نک زوجیتی حقندہ مدعی مزبورک علی طریق البتات تحلیفی اقتضا ایدر ایکن وجہ محرر اوزرہ عدم علمہ تحلیفی مقایر اصول اولدینی کی حادثہ و فوات وانحصار وراثت خصوصلری بینہ معدلہ ایلہ موقع ثبوتہ ایصال ایدلامش اولدیغندن شایان قبول دکلدر .



اتحصار قضاسی محکمہ شرعیہ سندن ۲۴ ذی الحجہ ۳۳۴ تاریخی صادر اولان اعلام بروجہ آتی منقوضدر :

اعلام مذکورده شرط اولہ نظراً مدعی علیہ مرقومک مزبورہ خدیجہ بی خانہ سنہ کتوردیکی و کندوسی مزبورہ نک خانہ سنہ کتیدیکی و شرطانی یہ نظراً سرخوشلق ایتدیکی و اولوجہلہ شرطینک تحقق وقوعی حقندہ شہادت اخیرہ مذکورہ مرتبہ کفایہ دہ اولمادینی کی

حادثه‌ده شرطین مذکوریندن برینی و شرط اولده معتبر متعاطفات محرره‌دن بعضیسنی
مرقومک نیت ایلدیکی دخی غیرمنفهم بولنش و مذکور التونلرک فی الحال مثلیری منقطع
اولدیفنه تعرض ایدلامش اولدیقندن سبکی نقصان و خللدن غیرخالدیر .

*
* *

جیحان قضاسی محکمه شرعیه‌سندن اعطا اولنان ۲۰ ذی‌الحجه ۳۳۴ تاریخلی اعلام
بروجه آتی منقوضدر :

مهری مطابق ایسه‌ده مدعی مزبورک منفرداً تنفیذ وصایا ایتسی حقنده رأی قاضی
لاحق اولدینی غیر مصرح اولقله برابر حادثه‌ده شهادت مذکوره دعوای مذکوره‌یه
غیر ملائم اولدیقندن سبکی نقصان و خللدن غیر خالدیر .

*
* *

استانبول محکمه شرعیه‌سندن اعطا اولنان سلخ ذی‌الحجه ۳۳۴ تاریخلی اعلام بروجه آتی
مقیداً مصدقدر :

اعلام مذکورک نتیجه‌ مآلی وجه‌محرر اوزره عدت فقهسی فرض و تقدیری حقنده
اصولنه موافق اولوب آنجق مدعی علیه مزبور عقد و کیلنی وجه‌محرر اوزره مقیداً
توکیل ایلدیکنی بالیان لدی‌التحالف عرض ایدیلا ن یمنیدن نکول ایتش اولدینی جهته
حادثه‌ده بعدالنکاح تسمیه واقعه‌یه واقف اولدینی آنده اجازت و یروب ویرمدیکنک
مدعی علیه مزبور دن و کیفیت توکیلک مزبوره‌دن استبضاحیله بالمحاکمه تبین ایده‌جک حاله
کوره وجه‌شرعی اوزره حلی ایجاب ایلدیکنه و مهر معجل مذکورک تسلیمه دأثر دفعنه
بناءً مزبوره‌نک تحلیفنده شکلا استقامت غیر منفهم بولنش اولدیفنه ولایحه مندرجاتنه
نظراً مجلس تدقیقات شرعیه‌یه تودیع قلمشدر .

